

CNS1277
U GE 20-08 00178 BH113
aab
Mnhathir - Nelayan

SHAH ALAM, 20 Ogos (Bernama) -- Datuk Seri Dr Mahathir Mohamad hari ini menukar profesion untuk seketikn dengan menjadi juragan bot nelayan.

Sambil mernutar stering bot yang seperti sedang mengharungi ombak laut, beliau kemudiannya menerima panggilan melalui telefon ATUR daripada para peserta yang sedang mengikuti ekspedisi perikanan laut dalam di perairan Terengganu sejak empat hari lepas.

Acara simbolik yang menimbulkan suasana penangkapan ikan di tengah laut itu adalah sempena pelancaran Hari Peladang, Penternak dan Nelayan 1991 di Taman Pertanian Malaysia, anjuran Persatuan Nelayan Kebangsaan (NEKMAT).

Dalam perbualan hampir 10 minit dengan salah seorang peserta ekspedisi itu, Perdana Menteri sempat bertanyakan tentang keadaan cuaca di perairan itu serta jumlah ikan yang dapat ditangkap tetapi jawapan yang diberikan kurang jelas didengar kerana gangguan pada penerimaan siaran.

Hanya setelah menukar ke telefon ATUR lain, barulah Datuk Seri Dr Mahathir mendengar dengan jelas jawapan bahawa cuaca di perairan itu kurang baik sejak beberapa hari lepas dan mereka kini berada 96 km dari pantai Terenyganu. -- Lagi

♥20/08/17-00MST

CNS1278
U GE 20-08 00137 BH114
aab

Mahathir - Nelayan 2 Shah Alam

Perdana Menteri memberitahu peserta itu bahawa kerajaan akan melatih lebih banyak anak kapal bagi menerokai perikanan laut dalam serta menggunakan bot-bot yang lebih besar di masa akan datang.

+Kita akan melatih mereka sehingga mereka berupaya menangkap ikan paus,+ kata beliau, sambil disambut ketawa para jemputan di majlis pelancaran itu.

Dalam perbualan dengan peserta kedua, seorang wakil peladang, Perdana Menteri, sempat berjenaka dengan bertanyakan bagaimana seorang pegawai peladang boleh berada di atas sebuah bot nelayan, sedangkan ia sepatutnya mengawasi projek pertanian seorang peladang.

Peserta itu memberitahu Datuk Seri Dr Mahathir bahawa lima wakil Pertubuhan Peladang Kebangsaan turut menyertai ekspedisi itu.

Perdana Menteri mengakhiri perbualannya dengan harapan mereka akan selamat pulang ke darat dengan membawa tangkapan ikan yang banyak.-- Bernama

♥20/08/17-01MST